



NR 8

NOVEMBER 1983

16. ÅRG.

VEGEN, SANNINGA OG LIVET

MARTIN LUTHER 1483 - 1983



Lat ikkje hjarta dykkar uroast!
Tru på Gud, og tru på meg!
I huset åt Fra min er det mange
rom. Var det ikkje så, hadde eg
sagt dykk det. For eg går bort og
vil stella til ein stad åt dykk. Og
når eg har gått bort og stelt til ein
stad åt dykk, kjem eg att og tek
dykk til meg, så de skal vera der
eg er. Og dit eg går, veit de vegen.
Tomas seier til Han: «Herre, vi
veit ikkje kvar du går av: korleis
kan vi då vita vegen?» Jesus sei-
er: «Eg er vegen, sanninga og li-
vet. Ingen kjem til Faderen utan
gjennom meg.»

Joh. 14.1-6.

Framhald s. 5



Doctor Martin Luther 1520

Til side 2

**KYRKJELYDSBLADET PÅ KASSETT
FOR BLINDE OG SVAKSYNTE.
SJÅ SIDE 8.**

Frå s. 1:

Det må vere noko ekstra med eit menneske som blir feira over heile verda som 500-årsjubilant. Martin Luther er eit slikt uvanleg menneske. Han skapte historie. Han sette spor som er friske framleis, 500 år etter at han vart fødd.

Har Luther noko å seie for vanlege menneskje anno 1983?

To arvestykke er det naturleg å tenkje på.

Det eine kan vi kalle «folkekyrkja». Det store fleirtalet i landet vårt høyrer heime i ei kyrkje som er prega av Luther og verket hans.

Det andre er det gammaldagse omgrepet «barnelærdomen». Nett no, når vi står under eit stendig press av påverkingar av ymse slag, kan det vere ein særleg grunn til å verdsetje Luthers forlkeoppseudande verk, med katekisma i sentrum. Katekisma har påverka moralske og religiøse haldningar i folket meir enn noko anna.

I høve Luthers 500-årsdag 10. november har biskopane sendt ei helsing til kyrkjelydane. «Vi ynskjer ikkje å herleggjere menneskeverk, men takke Gud for det han har gjeve kyrkja si gjenom Martin Luther, skriv biskopane. Og dei nemner nok av det som prega livsgjeringa hans, fordi det er aktuelt i notida og.

Tryggleik i trua fann Luther. Han var tyngd av angst for Guds dom, og så fann han kvile i trua på Guds nåde i Jesus Kristus.

Vår tid har bruk for Luthers innsikt, seier biskopane. Den meiningsløysa som mange opplever i dag, kan bli overvunne når trua på Kristus kan fylle menneskehjarta.


Trua frigjer oss til gode gjernin-

gar, er noko anna som Luther lærte oss. Vi skal ikkje berre passivt ta imot rettferdiggingeringa. Trua sender oss ut for å gjere rettferd. Vi skal handle etter Guds vilje og setje i verk den planen han har for vårt eige liv og for verda. Difor er det i kvardagen, og ikkje utanfor kvardagen, vi skal tene Gud.

Guds ord står fast. Ei kyrkje som vil vera tru mot Herren sin, Jesus Kristus, må halde Ordet høgt og bære fram evangeliet klårt og reint. Ho må likeins forkynne Guds lov inn i samfunnsliv og politikk, seier biskopane og minner om Luthers eksempel.

Luther var ikkje fullkomen, og det skal vi ikkje vere blinde for, jamvel på ein 500-årsdag. Det syntet han hadde på jødane og på sosiale og samfunnsmessige tilhøve var etter notidsmeinung uforvarsleg på mange vis. Men det positive skyggjer over misoppfatningar og feil. Den uredde trua, den folkelege og livnære forkynninga og den teologiske skaperkrafta han hadde, har sett verdfulle spor i historia.

For kristendom i heile verda har Luther hatt mykje å seie. Det ser ein klårare i dag enn nokon gong. Verket hans førte til kløyving, men det han søkte, var i røynda einskap på trua si grunn. Tida var ikkje mogen for ein slik einskap. I dag vedgår andre kyrkjesamfunn at Luthers verk har eit felleskyrkjeleg verd. Vi kan difor leggje frimod i bøna om at Gud vil sameine dei kristne i verda som no er spreidde, seier biskopane i helsinga til kyrkjelydane.



**ARNA
KYRKJELYDS-
SKULE**

Bibeltimar i Arna kyrkje Hovedtankar i Galatarbrevet

Tysdag 1. november:

«Berre eitt evangelium»
(kap.1)

Tysdag 8. november:

«Krossfest med Kristus» (kap. 2)

Tysdag 15. november:

«Lov og evangelium» (kap. 3)

Tysdag 22. november:

«Til fridom har Kristus frigjort oss» (kap. 5)


Bibeltimane er ved Harald Sundsbø og Øyvind Øy.

Alle samværa tar til kl. 20.00.

Hugs å ta med Bibel eller Nytestamente!

Det vert høve til å ta opp og drøfta spørsmål i samband med bibeltimane.

DU er velkommen!



LUTHERJUBILEUM Søndag 13. november

**Arna kyrkje kl.19.00
Luther i ord og tonar**

Medverkande:

Arna kyrkjekor

Organist Vidar Vikøren

Organist Kristen Øgaard (Cembalo)

Orientering om Luther og salmane hans.

Vi syng Luther-salmar.

Kollekt til dekking av utgifter.

Arr: Arna kyrkjekor og kyrkjelydsskulen

**Ytre Arna kl.18.00
Kyrkjelydshuset
«I Luthers forspor»**

Kåseri og lysbilete ved journalist Rolf Tofte. Han har nyleg vore på repotasjereise i samband med Lutheråret.

Kyrkjelydsfest med bevertning.

Avsluttande samling i kyrkja med Luthersalmar.

Alle er velkomne.

Arr. Ytre Arna sokneråd



Sundagsskuledagen i Ytre Arna

SØNDAGSSKOLEN
YTRE-ARNA
OG
HAUGLAND

Her ser me ein del blide barneansikt frå den dagen. Born frå søndagsskulen i Ytre Arna og Haugland gjekk i tog frå torget til kyrkja med ei nylaga fane.

Etter gudstenesta der 4-åringane vart presenterte og Yngste Røyster song, var det «kyrkjesaft/kaffi» med bollar i Kyrkjelydshuset.

Bileta her er henta frå den samlinga. Så mange vaksne og born var med at det var trangt om plassen.



Fortid på rull

Det er ikke så godt å vite hva man skal lagres på til slutt, men lagres skal man. Det er en reell mulighet til stede: Hele fortiden kan registreres på datamaskiner. Ingen mulighet til å rømme fra den.

Når man skal ha et banklån eller søke jobb eller vil gifte seg for tredje gang. Fortiden på boks. Trykk påknappen, og det rulles opp.

Da jeg leste avisen om de svenske datatilstandene, kom jeg faktisk til å tenke på helt andre forhold. Jeg har også lest et annet sted om registrering. Gud har registrert alle mine dager og tallet alle mine hodehår. I en av salmene står det faktisk også at han har registrert alle mine tårer.

Knappt er der våre tårer datamaskinenen kommer til å registrere. Ei heller våre hodehår. Derimot er det høyst sannsynlig at de kommer til å registrere våre synder, både små og store.

Gud derimot inviterer oss til å få våre synder grundig behandlet. Han vil stryke dem ut, kaste dem i glemselens hav, ta dem bort - for bare å bruke noen få av Bibelens uttrykk for å beskrive Guds forhold til vår synd.

Når Gud tilgir synden, så er den borte. Kanskje jeg registrerer den og husker den. Kanskje den ikke så fort strykes ut av mine indre ruller. Men hos Gud er den borte. Gud fraskriver seg faktisk retten til å ha oversikt over min fortid. Er jeg tilgitt av ham, er jeg ren og har et ubeskrevet rulleblad. Jeg er uskyldig.

Det er vondt å bære fortiden med seg. Vondt å måtte møte igjen sine tidligere synder - også de som var gjort opp og sonet. Ikke rart

mange fykter datamaskinene. Kanskje også de prektige aner nifse prespektiver.

Men vi inviteres til å leve i en annen virklighet. En virklighet som det kostet døden på korset å skape. Det leste jeg ikke om i avisen.

Fritt etter Ingebjørg Lindheim i Credo.

Hva har vi gjort I DAG

Vi skal gjøre så mangt - i det kommende år,

men hva har vi gjort i dag?

Vi skal gi en gave, som riktig forslår,

men hva har vi gitt i dag?

Vi skal plante et håp, der bekymringen gror,

så den gråtende ler, og den tvilende tror,

men hva har vi gjort i dag?

Vi skal være så inderlig gode - en gang,

men hva har vi gjort i dag?

Vi skal bringe de triste et smil og en sang,

men hva har vi brakt i dag?

Vi skal tre i de spor, som de største har trådt,

vi skal mette hver hungrende sjel med godt,

men hvem har vi mett i dag?

Vi skal høste de skjønneste gleder - snart,

men hva har vi sådd i dag?

Vi skal bygge, så tind og sky går i ett,

men hva har vi bygd i dag?

Det er liflig å sveve - hvor drømmene bor,

men hverdagens plikter er nå - er her!

Det spørsmål alene er umaken verd:

Hva har du gjort i dag?

Etter Giovanni

Familieside

DØYPTE:

Arna sokn:

- 11/ 9: André Holmefjord, Silje Rogne, Daniel Malcherek, døypt i Mariakirken.
2/10: Ann-Therese Thunestvedt. Janne Christin Dimmen Thunes, Sølvi Mæstad, Erik Jargren.
9/10: Christian Salhus, døypt i Mariakirken.

Ytre Arna sokn:

- 25/ 9: Anne Gurine Åsheim, Janne Reidun Skaar Henriksen.
2/10: Ørjan Reigstad, Monica Hatlen, døypt i Arna kyrkje.

VIGDE:

Arna sokn:

- 17/9: Jarle Sørås og Anne Britt Strømme.
Ytre Arna sokn:
10/ 9: Arne Brurås og Hildur Myhr, vigde i Åsane kyrkje.
8/10: Atle Johan Valestrand og Gro-Helen Jakobsen, vigde i Åsane kyrkje.

DØDE:

Arna sokn:

- 16/9: Hildur Eide, f. 1914.
22/9: Malmfrid Mostervik, f. 1913.

Ytre Arna sokn:

- 12/ 9: Jenny Karoline Haugland, f. 1898.
25/9: Olav Hannisdal, f. 1897.
1/10: Johanna Rønhovde, f. 1899.

Kyrkjelydsbladet på kassett

Frå og med dette nummeret vil kyrkjelydsbladet verta lese inn på kassett for blinde og svaksynte.

Vi veit det er fleire blinde i kyrkjelydane, og vil gjerne at dei også skulle kunna få del i det som står i bladet.

Det er ikkje sikkert vi på eiga hand vil kunna finna fram til alle det gjeld. Om nokon veit om blinde eller svaksynte som vil ha det på kassett, er vi glade for om de melder frå om det til eit av kyrkje-kontora tif. 24 04 00 eller 24 23 03.

Det vil ikkje verta noko stor utgift for dei det gjeld. Om ein vil betala vanleg abonementspris kr. 25

pr. år, er vi glade for det. Så vonar vi på hjelp frå lesarane til å finna fram til dei det gjeld.

Ofringane i kyrkjelyden

ARNA:

- 18/ 9: IKO 1.037,-
25/ 9: Den Indre sjømannsmisjon 2.140,-
2/10: Bergen krets av Norges Søndagssk. forb. 2.436,-
9/10: Kyrkjelydsarbeidet 1.231,-

YTRE ARNA:

- 25/ 9: Norges kristel. student og skoleung.lag 1.172,-
2/10: Arna Søndagssk.lag 1.043,-
9/10: Diakoniutvalet i Arna 483,-

Presten har ordet



Øyvind Øy

Kyrkja etter Børre Knutsen-domen

Børre Knutsen-domen ser ikkje ut til å føre til dramatiske aksjonar i kyrkja, men det betyr ikkje at alt er som før. Vi har fått fastslege at § 2 i Grunnlova som seier at Den evangelisk lutherske religion skal vere statens offentlege religion, ikkje betyr noko som verdigrunnlag for staten, t.d. i lov-gjeving.

Denne situasjonen gjer at det er grunn til ettertanke. Vi har eit samfunn der folkefleirtalet rår og kyrkja kan ikkje styre staten eller

gjere seg til herre over han. Vi kan berre forkynne Guds ord så sterkt og klart at det også får nedslag i våre lover. Den store vansken er at ei statsmakt som ikkje kan fylgje Guds ord, skal vere kyrkje-styre.

Til no er det for det meste prestar som har engasjert seg i dette spørsmålet. Men det er nødvendig at også folk i kyrkjelydane er merksame på den situasjonen som er iferd med å utvikle seg. Vi kan ikkje halde på statskyrkja utan å vere budde på at situasjonen lett kan endre seg. Vi må vere klar til å overta heile ansvaret i kyrkja sjølve.

Idag vert det gjort eit grundig arbeid for å auke kyrkja sitt sjølvstyre. Det er eit nødvendig arbeid både for at kyrkja skal få meir å seie under den kyrkjeordning som vi har no, og for at vi kan førebu oss til den dagen då vi skal stå på eigne bein. Dersom dette arbeidet vert ført vidare på ein god måte, kan vi få ei ny kyrkjeordning utan at det vil føre til dramatiske omveltingar.

MØTE

Arna bedehus

- 6/11: Basar for Den Norske Sjømannsmisjon kl. 17.00.
12/11: Ungdomskveld kl. 19.00.
Ungdomskoret «Logos» og pastor Reidar Paulsen.

Betania, Lone

- 3/11: Basar for Det Norske Misjonsselskap.
8-12/11: Offerveke for Norsk Luthersk Misjonssamband.

Unneland bedehus:

- 6/11: Familiemøte kl. 16.00.
Søndagsskulen og familien Erdal vert med.

Haugland bedehus:

- 8-13/11: Møteveke for Indremisjonen. Talar Maria Rørbakken.

Ytre Arna bedehus:

- 22-27/11: Møteveke for Norsk Kristen Muslimmisjon.

Allehelgensdag talar om håp og siger

Allehelgensdag pyntar vi gravene på kyrkjegarden — ei kjær oppgave, men for mange og forbundne med sorgminne. Kyrkjegarden seier oss noko om døden.

Det treng ikkje berre vera slik. Ser du deg rundt neste gongen du vitjar kyrkjegarden, kan du leggja merkje til kor mykje det er her som fortel at det evige livet er sterkare enn døden. Kristus vann sigeren for oss.

På mest alle kyrkjegardar vil gravene venda ein veg — mot aust. Det er ein gamal kristen tradisjon å gravleggja dei døde så føtene vender denne vegen. Slik får dei og ansiktet vend mot aust der Kristus ein gong skal koma att i skya.

Dei døde ligg så og seia klår til denne dagen, og retninga på gravene deira vitnar for oss som lever, om oppstoda. Den tanken kjem og fram i eit symbol på mange gravsteinar, ei sol som renn. Kristus er vår sol, og som sola vil han koma att i aust og gi oss det nye livet.




Men det er krossen som er hogge inn på mest alle gravsteinar. For mange er krossen eit symbol på døden, og opphavleg var det slik. På krossen fekk forbrytarane i oldtida si straff — ei stor vanære. Men Kristus vende vanæra til siger og døden til liv. Nakne krossar på kyrkjegardane våre fortel oss at Kristus ikkje vart stoppa der. Krossen er tom. Grava er tom. Jesus stod opp, og han lever. Derfor vil og alle våre graver ein gong verta tome. La dette syngja mot deg neste gongen du ser alle krossane på gravsteinane.

Aks som symbol på gravsteinar viser til Jesu ord om at kveitekornet må falla i jorda for å gi frukt. (Joh. 12.24) Den rike hausten vil alle sjå når Jesus kjem att.

Ankeret symboliserer håpet i den kristne trua. For dei første kristne som vart forfølgd så mykje, var det kristne håpet noko som heldt i livet og døden. Derfor vart ankeret sigersmerket.

Palmegreiner på gravsteinen vitnar om sigeren som ligg framfor. Vi hugsar ordet frå Johannes Openberring 7.9 som den store, kvite flokken i himmelen: «Dei stod framfor kongsstolen og Lammet, kledde i kvite klede og med palmegreiner i hendene. Og dei ropa med høg røyst: «Frelsa kjem frå vår Gud og Lammet».

Alle desse symbola vil ein kunne sjå på kyrkjegarden. Den kristne gravplassen er derfor ikkje berre ein hage der døden rår. Nei, han er livet sin hage, som ventar på oppstoda.



Helgemessesøndag 6. nov. 1983

Takvam kapell - Tunes bedehus

Etter gammal tradisjon vert det også i år gudsteneste i Takvam kapell helgemessesøndag. Etter gudstenesta vert det fest i Tunes bedehus.

I Takvam kapell vil sokneprest Ø. Øyvgjerda altarteneste og stiftskap. I Molde vil preika. Gudstenesta tar til kl.16.30.

Tunes bedehus kl. 17.45. Her vert det andakt v/sokneprest Øy. Song og musikk. Kveldsmat. Stiftskap. Molde fortel om Undredal kyrkje i Aurland.

Orientering om arbeidet i kapellet siste året. Helsingar.

Offer til utvidinga av kapellet.

Alle er hjarteleg velkomne til gudstenesta og til festen!

«Nemnda for Takvam kapell»

Basar for sjømannsmisjonen

Det vert basar til inntekt for Sjømannsmisjonen i Arna bedehus søndag 6. november kl. 17.00.

Andakt ved kretssekretær Bjordal. Åresalg o.l.

Radio- gudsteneste

Søndag 6.11. vert det i NRK sendt gudsteneste frå Arna kyrkje. I forrige nummer av kyrkjelydsbladet meldte vi at det skulle vera direkte overføring. Etter at bladet kom ut, har NRK bede om at det vert gjort opptak av gudstenesta 30. oktober.

Fest på kjerka

samla fullt nus i Arna bedehus søndag 9. oktober. Her var vi samla både unge og eldre til fest i riktig Sjømannsmisjons-stil. Vi fekk sjå ein interessant film frå Sjømannsmisjonen sitt arbeid i Japan, og elles helt Trygve Helge Kleppstø andakt og fortalde frå Sjømannsmisjonen.

Med Ketil Kversøy ved pinoet hadde vi ein fin avdeling med allsang, og stemningen var høg da vi hadde «Amerikansk auksjon», der inntekta gjekk til kyrkjelydshuset. Eit par leikar blir leika av nokre ungdommar, og då fekk både små og store fart på seg for å vinna tevlंगा.

Ein fin kveld for oss som fekk vera saman på dette kyrkjelyds-treffet.

Magi

Lege i Arna:

Lege
Frøydis Skjelbred Nilsen,
Kommunehuset,
Indre Arna.
Telefon 24 07 00.
Kontortid:
Tirsd., onsd., torsd., fred.

Kyrkjelyden som Omsorgsfelleskap

Dette var temaet på eit medarbeidarkurs i kyrkjelyden på Arna bedhus 23.-24. sept. Det var Kyrkjelydsskulen som arrangerte og forstandar Johan Arnt Wenaas frå Oslo som innleia.

Deltakartalet var rundt 35 og ingen av desse kunne gå frå kurset utan å kjenna seg råka av det som vart sagt.

Wenaas starta med ein time om Kommunikasjon, der han tok fram at kristendom er meir enn ORD. Han sa m.a. at det var vanskeleg for dei andre når vi kristne sa EIN ting med ord, men noko heilt ANNA med heile oss. Han tok fram dømer og bileter på dei mange måtar å kommunisera på, (meddela seg på) som var så råkande men samstundes så enkle og rett inn i kvardagen vår, at vi sat berre å undra oss.

Seinare tok han for seg fellesskapet i kyrkjelyden. Han delte dette i tre: Eit hørefellesskap (høyre Guds ord). Eit gjerefellesskap (praktiske oppgåver). Eit vørefellesskap (det vi ER). Desse tre burde vera i ballanse, men kanskje det skortar mest på det siste. *Til side 13*



Glimt frå seminaret.

TO ORD TIL DEG

GOD IS stod det med store bokstaver over den lille kiosken til han Arve på torget og vi kjøpte is hele sommeren uten å ane at skillet snart skulle smelte is i hjertet på en hjernvendt norsk amerikaner som stanset og stod der stille og leste GOD IS lenge stod han før han endelig fikk banket på døra der hjemme hos broren og sa at Gud hadde banket på døra hans nettopp og Arve skulle bare visst at både skillet hans og navnet hans sa noe om himmerik

Ø.H.

Privatlivet - yrke - Kyrkjelydsarbeid, og fordelinga mellom dette, var også ting som var teke fram i ein av timane. Forventingar var eit sentralt ord i denne samanheng. Vi står under forventningar frå a) Andre, b) Oss sjølve og c) Gud. Ofte trur vi at Gud forventar 100 % av oss, men dette er ofte krav vi set til oss sjølve. Gud veit jo inderleg vel korleis vi er skapt (støv), og at vi ikkje strekkjer til. Det som ventes først og fremst er truskap (forvaltere).

Då Wenaas starta på emnet Sjølvkjærleik - Nestekjærleik, venta vi oss kanskje kritikk over mangel på nestekjærleik. I staden sa han at Gud ville vi skulle stå i eit trefeldig kjærleiksforhold:


- 1) Til Herren din Gud. 2) Til våre medmennesker. 3) Til oss sjølve. Sjølvkjærleik er ikkje det same

som egoisme, men m.a. respekt. Gud vil både oss og nesten vår det beste, Gud vil at vi skal ha det godt. Wenaas sa også at den som ikkje er glad i seg sjølv, kan heller ikkje greia å vera glad i nesten sin. Gud sa: Du skal elska nesten din SOM deg sjølv, ikkje MEIR enn deg sjølv. Dette var heilt nye og ufattelege tankar for dei fleste av oss, men samstundes skapte dei ei kjensle av rikdom - glede - frigjering, o.s.v.

Vi fekk også høve til samtale rundt bordene, noko som også var med på å gjera kurset til ei rik oppleving. Wenaas har skreve to bøker der han tek fram mange av desse tinga vi hadde framma på kurset. Den eine er ei pocketbok som heiter «Sjelesorg til hverdags», den andre er eit Credohefte og heiter «Fellesskapet som skaper omsorg.»

50-års konfirman- tane i Ytre Arna

Søndag 9. oktober var dei som vart konfirmert for 50 år sidan invitert til samling i Ytre Arna. Det var 16 som var konfirmerte i Ytre Arna kyrkje og 3 som budde på Haugland og som vart konfirmerte i Arna. Fleire av dei var no døde og for andre var det vanskeleg å koma den dagen. Men for dei 8 som hadde høve til å vera med, vart det ei fin samling både i kyrkja og i kyrkjelydshuset etterpå.



På biletet ser vi frå v. Marta Haukås, Odny Breistein, Johannes Simonsen, August Ros Ekanger, Anders Ekanger, Øyvind Øy, Kjell Rol- land, Marta Steinsland og Magnus Johan Strøm.

Sjukepleiestudentar med praksis i kyrkjelydane

Diakonissehjemmets sjukepleiehøgskole i Bergen har lagt opp undervisninga slik at studentane det første halvåret skal ha 14 dagars praksis i ein kyrkjelyd. Der skal dei få eit inntrykk av det diakonale arbeidet i kyrkjelyden og skriva ei oppgåva om det. Dei skal også ta del i arbeidet med 2 timar i veka frå oktober til desember.

Dei 50 studentane vart spreidde i ulike kyrkjelydar i Bergen, og i Arna hadde vi 2 i kvart sokn. Kontaktpersonar for desse var Aslaug Hanstveit i Ytre Arna og Ragnhild Fein i Arna. Kontakten med dei eldre vart det som naturleg peika seg ut begge stader, og i denne tida har dei gått inn i besøksteneste i kyrkjelydane. Dei har også vore litt med i heimesjukepleien. For kyrkjelydane var dette eit fint tiltak, og vi vonar også at studentane fekk med seg litt frå tida her.



Elisabeth Skjelbreid Frantzen og Rønnaug Revheim Holmefjord har praksis i Ytre Arna.



Brita Fykse og Marion Ytre-Arne Kvamme har praksis i Arna.

Kyrkjelydsveka 1984

Arna sokneråd planlegg kyrkjelydsveke også komande år. Tida er fastsett til 18. - 25. mars. Det er enno ikkje heilt klart kven som vert talar, men det er fastsett at veka skal ha misjon som tema. Også denne gongen vil det verte eit variert opplegg med mellom anna, husmøte, familiemøte ungdomsmøte og gudsteneste.

Vi nemner dette alt no slik at alle som har planar om tilskipingar i kyrkjelyden, kan ta omsyn til den-

ne veka. Det vil vere godt for arbeidet i kyrkjelyden om vi kan få full samling om desse dagane.

I MIN FORRETNING

finn De gaver til bryllup, konfirmasjon og barnedåp.



5260 Indre Arna — Tlf. 24 04 96

**Solstrands
Blomsterforretning**
Hollendergt. 4, tlf. 23 20 50

**Solstrand
Begravelsesbyrå**
Herm. Fossgt. 11, tlf. 23 20 50
Alltid til tjeneste

VESTLANDSBANKEN

Banken i Arna — for Arna-folk, der alle kundar, store som små, er hjarteleg velkomne.

VESTLANDSBANKEN,
avd. Arna

EPELAND GARTNERI

Telefon 24 08 09
Blomsterforretning
Hagesenter
Kransebinderi

EPELAND BEGRAVELSESBYRÅ

Telefon 24 08 08
Begravelser og bisettelser ordnes. Transport med egen bil. Annonser, sanger, sløyfer. Monumenter besørjes oppsatt.

Banken i Arna frå 1866

SPAREBANKEN
VEST
AVDELING ARNA

— til bygdefolket sitt beste

Skal det vera TV — Elektrisk — Belysning. Hugs at vi har laveste pris, og det De kjøper her kan De få reparert her.

ARNA ELKJØP A/S

Ytre Arna — telefon 24 11 88
Arnatveit — telefon 24 19 70
Vi er tilsluttet landets største kje-
de av elektriske forretninger
EL-KJØP



Aut. bilverksted
Aut. dekk-
forhandler

GODE TILBUD
PÅ DEKK OG
REKVISITA!

GOD SERVICE —
RIMELIGE PRISER —
HYGGELIG MILJØ!

*Velkommen til vår
bensinstasjon!*

Arnatveit Auto Senter

J.B. Myklestad
5260 Indre Arna
Tlf. 24 07 40



Velkommen til kyrkje



- 6/11 Arna kl. 11.00: Res.kap. Sundsbø. Offer til kyrkjelydsarbeidet. Sundagsskule.
Ytre Arna kl. 11.00: Sokneprest Øy. Nattverd.
Takvam kapell, kl. 16.30: Sokneprest Øy og stiftskap. Ivar Molde.
- 13/11 Arna kl. 11.00: Res.kap. Sundsbø. Nattverd. Offer til Den norske muhammedanermisjon. Sundagsskule.
Ytre Arna kl. 11.00: Stiftskap. Ivar Molde. Nattverd. Offer til Luther-senteret i Øst-Tyskland.
- 20/11 Arna kl. 11.00: Sokneprest Øy. Familiegudsteneste. 1. klassingar spesielt inviterte. Offer til Norges kristelige student- og skoleungdomslag.
Trengeid kl. 11.00: Res.kap. Sundsbø.
- 27/11 Arna kl. 11.00: Sokneprest Øy. Nattverd. Offer til kyrkjelydshuset. Sundagsskule. Kyrkjekaffi.
Arna kl. 19. Lysmesse. Ungdomsprest Gunnar Wik.
Ytre Arna kl. 11.00: Familiegudsteneste v/res.kap. Sundsbø.
Ytre Arna Barnekor. 1. klassingar er spesielt inviterte. Offer til kyrkjelydsarb. Kyrkjekaffi.
Ytre Arna kl. 19. Lysmesse. Ytre Arna Ungdomskor.
- 4/12 Arna kl. 11.00: Døveprest Asgeir Straume. Offer til kyrkjelydsarbeidet. Sundagsskule.
Ytre Arna kl. 11.00: Sokneprest Øy. Nattverd. Offer til Norges kr. ungdomsforbund.
Unneland kl. 16.30: Sokneprest Øy. Lysmesse.

KYRKJELYDSBLAD FOR ARNA

Utgjevar: Sokneråda i Arna, boks 11, 5260 Indre Arna.
Redaksjonsnemnd: Sylvi Sæle, Bjørg Risøy, Laila Ueland, Åse Iversen
Ragnhild Rein, Harald Sundsbø.
Forretningsfører: Bjørg Hellesøy.
Bladpengar: kr. 25,-.
Postgiro nr. 3 10 44 45 eller bankgiro 8440.21.01856.
Trykt av A/S Fotosentrum, Ytre Arna.

ARNA PRESTEGJELD

Kyrkjekontoret Indre Arna, Borgstova: Tlf. 24 04 00 og 24 02 15.
Kontortid: Tysdag, onsdag og fredag kl. 10.00-11.30.
Torsdag kl. 17.30-19.00.
Kyrkjekontoret Ytre Arna, Kyrkjelydshuset, Peter Jepsensv. 39:
Tlf. 24 23 03.
Kontortid: Tysdag kl. 17.00-18.00.
Onsdag og fredag kl. 10.00-11.30
Kyrkjegardane i Arna. Tlf. 24 05 69
Kontortid: Månd. - fredag 10-11.

Frist for innlevering av stoff til nr. 9: 10. nov.